

d'Peffermillen

Wi gewinnt bei enger Manifestatioun streiden sech derno d'Journalisten iwert d'Zuel vun de Leit di matgongen. Bei der Friddensmanif vum 22. Oktober woren sech all Zeitungen an RTL eens, dass ët 5000 Leit woren, éischter e bëssche méi wi manner. Nuren zwou Zeitungen hun aner Zuele genannt: d'KP-"Zeitung" huet der iwert 6000 gesin (di nëmme géint d'US-Rakéite solle protestéiert hun) an de j-lo am LW wëllt der nëmme 3100 gezielt hun. (Di Zuelen di de "Journal" nennt sin esou widersprénglech an de Rescht vum Artikel esou eesäiteg a konfus, dass alles drop hindeit, daß e wuel keen eegene Reporter op der Plaz hat.) "Ein Polizeisprecher" huet dem LW no der sugger nëmme 2500-2800 geschätzt. Als ee vun den Organisateuren hat déi Këier de Koschter d'Méiglechkeet, selwer d'Polizei ze froen, op wéivill Leit si d'Bedelegung gëng schätzen. E krut, zu senger Verwonderung, als Entwert, bei enger Manifestatioun hätt d'Polizei aner Saachen ze din wi d'Leit ze zielen. Bei hinne wär kee Beamten dmat beopdraagt. De Koschter muss also unhuelen, dass wann d'Journalisten sech op Polizeispriecher beruffen, fir hir Schätzungen ze "beweisen", dat rengen Schwindel oder héichstens d'privat Meenung vun dësem oder deem Polizist as. m.p.

*

Chrëschte falen ewell och zu Lëtzebuerg an der Friddensbewegung op. Dat as fir muenchen, a besonnesch fir Nët-Chrëschten, nei an ongewinnt. Bei der Ried vum Abbé Jos Cadé zum Oofschloss vun der Friddensdemo op der Pléssdarem gouf zwar vill geklappt, awer et konnt een ënnert den Nolauschterer, wann een d'Ouer e wéineg gespëtzt huet, och Leit héieren, déi d'Pafen am léifsten op enger Botterschmier déite friessen a Begrëffer wéi "Christus", "bieden", oder "Mass" ganz schlecht verdroen hun. Et kann een do natierlech soen: "Do hutt der et jo!". Oder rose gin an esou Reaktiounen penibel primitiv fannen. Ma et kann een och froen, wou se hirkommen an eiser lëtzebuurger Situatioun, déi mat esouvill Schwaarzwäisklicheë funktionnéiert, eng Rei Uursaachen ausmaachen, déi och op klerikaler Säit ze fannen sin. Déi géigensäiteg Angscht vum Kontakt wäert, trotz guddem Wëllen an Zesummenaarbecht op verschiddene Gebidder, wuel nach eng Weilche matt domme Bemerkungen iwwerspillt gin. A bei all deem, wat "eis kathouleschen" Zeidung zum Onwee mécht christ

*

Vläicht wollt den Här Zeches säi schlecht Gewësse berouegen, wéi en e puer Deeg laang aus dem "Wort" geleitartikelt huet, et soll een dach nët ëmmer nees esou naiv d'Rüstungsausgaben an d'Hëllef fir d'Drëtt Welt matenee vergläichen. Oder e wollt par force der Friddensbewegung een Argument méi aus der Hand schloen, besonnesch eent, wat fir déi gewéinlech Stiirwlech esou evident as. Zu deene schéngt eisen Här Bëschof awer och ze gehéieren (oder den lz hat schlecht explizéiert - oder den Här Bëschof hat d'"Wort" nët gelies - oder nëmme d'Annoncen - oder ...) well gläich drop huet hien an engem kuerzen Interview um Ukawee nees vum Skandal vun der Rüstung geschwat, dee mat Schold um Misär vun der Drëtter Welt wär. Oh Verwirrung der Geister! Weem soll een dann elo gleewen, dem Här Bëschof oder senger Zeidung? csst

*

Wann an der Friddensdiskussioun de Koschter behaupt huet, d'Amerikaner wäere nët vill besser wi d'Russen, di eng wi di aner hätten eng aggressiv Aussepolitik, da krut en öfters ze héieren, d'Amerikaner hätten awer nach ni en Afghanistan oder eng Tschechoslowakei besat. De Koschter huet da gentwert, di wirtschaftlech Boycottmoosnahme géint e Nicaragua, deem sugger d'Weessliwerungen ofgeschnidde goufen, oder d'Ennerstëtzung vu korrupte Militärdiktature wäeren och eng Form vun Imperialismus. Mä lo huet de President Reagan bewisen, wi Recht de Koschter ëmmer hat. Sengen aggressive Rieden huet en eng aggressiv Dot, di militäresch Invasioun vu Grenada, folge gelooss, well en di amerikanesch Wirtschaftsinteresse nët mi anescht ze schütze woßt. Wou läit den Ennerscheed zu Afghanistan? 'T soll jo keen ziele kommen, dat wär neess geschitt, fir d'Mënscherechter an d'Demokratie an deem Land ze garantéieren, well wu bleift dann d'Invasioun vu Guatemala, El Salvador, Südafrika, Chili, de Philipinnen, ... vum Ostblock nët ze schwetzen. Sin ons Befreier vu 1944 ëmmer nach "ënnert allen Emstänn" eis Frënn, di mer nii däerfe kritiséieren? m.p.